

Historia kòrtiku di un di e iglesianan ku ta krese mas rápido na mundu.

Komienso

Den solamente un poko mas ku 160 aña e Iglesia Adventista di Shete Dia a krese for di

un man yen di individuonan, kendenan tabata studia kuidadosamente nan Beibel buskando e bèrdat, te na un komunidad di mas ku dieskuater mion miembro, i miónes nan mas ku ta konsiderá Iglesia Adventista komo nan hogar spiritual. Histórikamente, Adventistanan di Shete Dia ta e herederonan di e movimentu Millerita, un movimentu di vários iglesia den siglo 19 (1840). Apesar ku e nòmber “Adventista di Shete Dia” a wòrdu skohe na 1860, e denominashon a wòrdu organisá ofishalmente dia 21 di Mei, 1863, ora e movimentu tabata tin 125 iglesia i 3,500 miembro.

E Gran Desapunto

Entre 1831 i 1844, William Miller—un predikadó Bautista i eks kapitan di ehérsito durante e Guera Merikano di 1812—a lansa “e gran spièrtamentu di e segunda binida”



William Miller

Ora Hesus no a bini, e siguidó nan di Miller a eksperenshá loke a wòrdu yamá “E Gran Desapunto.”

ku despues di tempu a plama atraves di mayoria di e mundu kristian. Basá riba su estudio di e profesia di Daniel 8:14, Miller a kalkulá ku Hesus lo a regresá bèk na Tera entre 1843 i 1844. Otronan den movimentu a kalkulá un fecha spesífiko di 22 di Òktober, 1844.

Despues di “E Gran Desapunto” a surgi tres grupo importante:

1. Un grupo ku ta bisa ku e fecha no tabata korekto i a sigui pone otro fecha pa e segundo binida di Hesuskristu.
2. Un grupo ku ta bisa ku e fecha tabata korekto i ku Hesuskristu a bini tambe den un forma spiritual
3. Un grupo ku ta bisa ku e fecha tabata korekto pero e akontesimentu a wòrdu mal komprondé.

Tabata e di tres grupo aki ku a sigui studia e Skrituranan Santu i desaroyá den loke nos konosé awe komo iglesia Adventista di Shete Dia. Nan a keda konvensí ku e profesia bíbliko tabata predesí ku Hesus lo a kuminsá un ministerio na shelu na fabor di Su siguidónan i no Su di dos binida na 1844.

Organisashon



Joseph Bates

Dia. Entre e lidernan di mas prominente tabatin un kapitan di barku retirá yamá Joseph Bates i un pareha hóben James i Ellen G. White. E núkleo chikitu di “adventistanan” a kuminsá krese—

For di e grupo chikitu aki ku a ninga di bandoná nan fe despues di “e Gran Desapunto” a lanta vários lidernan ku a traha e fundeshi di loke lo a bira Iglesia Adventista di Shete




Ellen & James White

especialmente na New England, na Merka, kaminda e movimentu di Miller a kuminsá.

Ellen G. White, apénas un “teenager” na a momento di e “Gran Desapunto,” a krese i a bira un outor, konferensiante i atministrador ku hopi talento, i lo a bira i a permanesé komo e konsehero spiritual di konfiansa di e famia Adventista pa mas ku 70 aña te ora el a muri na 1915. Iglesia Adventista ta kere den e siñansa di Beibel tokante donnan spiritual i ta rekonosé ku e don di profesia a manifestá den e ministerio di Ellen White.

Na 1860, e tiki kongregashonnan di Adventista a topa na Battle Creek, Michigan, i a opta pa e nòmber di Adventistanan di Shete Dia. Tabata na 1863 ku formalmente nan a organisá un kuerpo eklesiástiko ku un miembresia di 3,500.

Trabou Mishonero



J. N. Andrews

Na kuminsamentu, e obra tabata limitá na Nòrt Amérika te 1874 ora e promé mishonero di iglesia, John N. Andrews, a wòrdu manda pa Suiza. E promé pais kristian no-Protestant ku a wòrdu penetrá tabata Rusia, kaminda un pastor

Adventista a bai na 1886.

Na 1890 e barku Pitcairn a sali for di San Francisco i a keda traha hibando mishoneronan na e Islanan di Pasífiko. Obreronan Adventista a penetrá paisnan no kristian na 1894—

Kosta di Oro (Ghana), na West Afrika, i Matabeleland, Sur Afrika. E mesun aña mishoneronan a bai Sur Amerika, i na 1896 tabatin obreronan na Hapon. E iglesia awor tin obra establecí na mas ku 210 paisnan.

Otro desaroyonan

E publikashonnan i distribushon di literatura tabata un di e faktornan mas sobresaliente di

e kresementu di e movimentu Adventista. Advent Review and Sabbath Herald (konosí awor komo Revista Adventista), e boletin ofishal di iglesia, a wòrdu publiká pa promé biaha na 1850; E revista "Youth's Instructor" na 1852; i "Signs of the Times" na 1874. E promé Kas di Publikashon di iglesia a kuminsá su operashon na 1855 na Battle Creek, Michigan. E promé Institushon di Salú (Battle Creek Sanitarium), a habri su porta na 1866. E promé di e Red Mundial di skolnan a wòrdu establecé na 1872. Na 1903, e ofisina prinsipal di iglesia a wòrdu kambia for di Battle Creek, Michigan, pa Washington, D.C., i despues na 1989 pa Silver Spring, Maryland, kaminda e ta sigui dirigí e obra ku ainda ta kresiendo.